


# Paxlovid

(Fakaleo pe he nei 'pax-low-vid')



Kua foaki e vai lakau ko e Paxlovid ke he tau tagata ke lagomatai ke totoko atu ke he taha vahega moko pikitia ko e COVID-19. To liga maeke ke mauu vave mo e nakai hoko atu a koe ke he fale gagao.

Ko e Paxlovid kua moua mai he ua e vai tului ne totoko atu ke he tau gagao. Kaeke ke inu fakalataha ua he taha e mogo, to maeke ke tukutuku-hifo e loga he tau moko gagao ke he tino haau. Ko e aoga ni e Paxlovid ke fakaaoga ke he 5 e aho he kamata a koe ke moua he gagao COVID-19 ke maeke he ekekafo haau ke talahau pokua lata a koe ke moua e vai tului ia po ke nakai.

## Tau fatifatiaga he Paxlovid: Inu 3 e tegavai lagaua he aho ke 5 e aho



### Tau magaaho pogipogi oti

Inu 2 e tegavai lanu  
laumame **LAFI KI AI**  
1 e tegavai tea



### Tau magaaho afiafi oti

Inu 2 e tegavai lanu  
laumame **LAFI KI AI**  
1 e tegavai tea

Fakaoti e puhala he  
tuluiaga, ko e **5 e aho**.

Maeke ia koe ke inu e tau  
tegavai haau ka kai e taha  
menakai po ke nakai kai.

Nakai lata ke taofi e inu he  
Paxlovid haau ka e nakai la  
fakatutala a koe mo lautolu ne  
leveki atu ke he haau a  
tau malolo tino, pete ni kua  
logona e koe kua malolo.

## Talaage kia lautolu ne leveki atu ke he haau a tau malolo tino e tau vai tului oti haau ne inu

**Haha i ai falu vai tului kua nakai lata ke lalafi  
mo e Paxlovid mo e kaeke ke lalafi ti inu, to  
moua mai falu a logonaaga hagahaga kelea.**

- Talaage ke he ekekafo po ke tagata talavai ko e fai tegavai foki a koe kua inu, tuga e tau tegavai foaki he Ekekafo, tau tegavai fakatau, tau tegavai vitamin mo e tau tegavai huhua-lakau (tuga e, St John's Wort).
- Aua neke kamata ke inu falu a tegavai ka e nakai fakatonu ki a lautolu ne leveki atu ke he haau a tau malolo tino. To talaatu he Tagata Leveki Malolo Tino haau pokua lata nakai ke inu e Paxlovid fakalataha mo e falu a tegavai foki haau.

## Kaeke kua fai fafati kua nakai inu e koe



Kaeke kua nakai inu e koe e taha fafati vai  
**ki loto he 8 e tula** he magaaho ne kua fafati  
ke inu, fakamafiti ke inu he magaaho ka  
manatu e koe.



Kaeke ke **molea e 8 tula** he nimo e koe, tiaki  
e tau tegavai ke lata moe fafati ia kae inu e  
tau tegavai mae fafatiaga foo.



Aua ne lalafi ke inu foki e taha fafatiaga  
Paxlovid ke lata mae fafatiaga ne kua nimo.



**Ko e tau logonaaga kua fa logona mau,  
nakai logona mau mo e fai hagahaga kelea  
ne kua tohia ai ke he laupepa ne mui mai**

## Kua fai tama ka a koe pokua fae lali a koe ke fai tama?



Kaeke ke fai tama a koe, poke manatu a koe kua fai tama a koe, po ke palana ke fai tama, ua inu e Paxlovid.

Huhu age ke he Ekekafo haau ke moua e hatakiaga ha kua nakai lata ke inu e Paxlovid kaeke kua fai tama a koe.

Kua lata he tau fifine ke kalo kehe mai ke ua fai tama (tuga e, fakaaoga e tau puipui ke ua fai tama poke tuku kehe e mahani feuaki) he magaaho ka inu e koe e Paxlovid MO E ke 7 e aho he mole e tuluiaga haau.

### Mahuiga lahi e puipuiaga ke ua fai tama.

Kaeke ke inu e koe e tau tegavai ke taofi aki ke ua fatu, kua lata ke fakaeneene fakalahi ha koe mena maeke ke lauia e gahuahuaaga ha lautolu ha ko e Paxlovid.


Kua o moi ki ai ke aua neke feuaki a koe, poke fakaaoga ke he tau puipui condom pihia mo e haau ni a tau puipui ke ua fatu ne fa mahani ke fakaaoga, he magaaho ne inu a koe he Paxlovid mo e ke 7 e aho he mole e tuluiaga haau.

Huhu atu ke he haau a ekekafo po ke tagata talavai ke moua falu hatakiaga.

## Fakahuhu tama nakai a koe?

Nakai fai talahauaga mitaki e fakahuhu tama ke he magaaho ne moua e tau tuluiaga pihia ke 7 e aho he mole e fafatiaga fakahiku he Paxlovid.

Talaage kia lautolu ne leveki atu ke he haau a tau malolo tino ko e fakahuhutama a koe FAKAMUA to inu e vai tului nei.

 Ke moua foki falu a fakailoaga hagaa ke he Paxlovid, finaatu ke he [hn.org.nz/paxlovid](https://hn.org.nz/paxlovid)

## Fai logonaaga kehekehe e tau vai tului oti

Maeke he Paxlovid ke moua e tau logonaaga kehekehe, ka e nakai lauia e tau tagata oti.

### Tau logonaaga kehekehe kua fa mahani ke logona

Ne nakai fai logonaaga malolo lahi mo e ka fai magaaho to galogalo fakahaga Talaage ke he haau a ekekafo kaeke kua fai lauiaaga kelea poke nakai galo kehe mai:

- tafe e manava fakavao (hihi)
- logona e lolofi he manava (koko)
- hikihiki e logonaaga ke he tau mena kai.

### Nakai fa mahani ki ai, hagahagakelea e tau logonaaga kehekehe

Kumikumi atu fakamafiti ki a lautolu ne leveki atu ke he haau a tau malolo tino poke **Healthline 0800 611 116** kaeke kua kitia e koe e tau logonaaga kehekehe nai ti talaage ki ai ko e inu a koe he Paxlovid:

- **tau fakamailoga kua nakai logona mitaki tuga e:**
  - patapata kula e kili he tino
  - fulafula mo e fua e tau fifimata mo e kili viko he tau pumata, fofoga, tau laugutu poke alelo
  - makoto e fatafata mo e ukauka ke fafagu.
- **tau fakakiteaga kua fai lekua e ate tuga:**
  - lanu ago e tau pumata mo e kili he kakano
  - lanu uli e fakapala
  - mamahi mo e hagahagakelea e logonaaga ke he vala ki luga he manava.